



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 15. Ejusdem Myst. punct. 2.

[urn:nbn:de:hbz:466:1-60232](#)

COLLOQ. De 2. Vexillis, petendo exploratas habere fraudes mali dæmonis, & gratiam eas vitandi,

RECOLLECTIO. REPETITIO. APPLICATIO SENSUUM.

MEDITATIO XV.

De Apparitione sextâ. Joan 20.

Myst. punct. 2.

CONG. Desiderium Christo redivivo congaudendi.

PRAEL. I. Quomodo Christus ad Discipulos congregatos ingressus sit januis clausis.

PRAEL. II. Videre conclave, quod Christus ingressus est.

PRAEL. III. Petere charitatem, gaudium, & pacem Christi,

DUNCTUM I. PERSONÆ. MEM. Aspiciamus, & recenseamus Discipulos congregatos.

INTEL. Aberat Thomas; sed videntur ex Emmaus accessisse Discipuli duo illi, & in illâ Congregatione participes fuisse claræ apparitionis Christi, quem absentes tantummodò cognoverunt, cum evanesceret ex oculis eorum. **REFL.** Hinc possumus æstimare vocationem nostram ad Congregationem, & Societatem Jesu. Nam in Religioso convictu Christus se suaque Mysteria clarius communicat, sicut S. Bernardus alicubi describit.

VOLO. Agamus gratias pro tanto beneficio, & petamus gratiam perseverantiae.

Bb 5

PUN.

PUNCTUM II. VERBA. MEM. Christus dixit eis:
Pax vobis. Joan. 20.

INTEL. Hæc est pax, quæ exuperat omnem sensum. Phil. 4. Oritur verò ex charitate. Nam Gal. 5. inter fructus Spiritus Sancti primo loco ponitur *charitas*, deinde sequitur *gaudium, pax.* de hac pace dixerat Christus Joan. 14. *Pacem meam do vobis: non quomodo mundus dat, ego do vobis:* Nam pax mundana non oritur ex charitate Dei; sed ex *carnis, sensuum, amorisque proprii, & mundani rebellioni.* REFL. Examinemus, qualis sit pax nostra.

VOL. Cum singulari aff. Etu dicamus, quod Sacerdotes toties legunt ex 2. Thess. 3. in officio divino: *Dominus autem dirigat corda, & corpora nostra in charitate Dei, & patientia Christi.*

PUNCTUM. III. OPERA. MEM. Christus stetit in medio. Joan. 20.

INTEL. Hoc est, quod dixerat Matth. 18. ubi enim sunt duo vel tres congregati in nomine meo, ibi sum in medio eorum. REFL. Videamus, an nos in nomine Christi, hoc est, in verâ fraternâ charitate congregati simus.

VOL. Cum ingenti desiderio oremus cum Ecclesia: *Spiritum nobis Domine tu&charitatis infunde, ut quos uno pane Cœlesti satiasti, tua facias pietate concordes.*

PUNCTUM IV. QUID DIVINITAS. MEM. Cum...
fores essent clausæ ... venit Jesus. Joan. 20.

INTEL. Christus in passione sua ligabatur, tenebatur, & abscondente se divinitate, videbatur omnem libertatem amisisse. Nunc exerit se divinitas; & adeò liber est, ut nullis parietibus, nullis carceribus possit impediri. REFL. Hoc est donum penetrabilitatis, sive subtilitatis, quæ nobis dabitur in Cœlo, si hîc laborum Christi participes fuerimus.

VOL. Reponamus cum Job spem hanc in sinu nostro. Seminatur Corpus animale, surget Corpus spirituale. 1. Cor. 15.

PUNCTUM V. SOLATIUM IN HAC VITA. MEM. Christus dixit eis: Pax vobis. Joan. 20.

INTEL. Cogitemus, quantum solatii habuerint Discipuli ex illâ voce, quæ poterat detergere omnem metum Judæorum. REFL. Sic Christus, dum militamus sub ejus vexillo, consolatur nos in omni tribulazione nostrâ. 2. Cor. 1.

VOL. Claimemus cum Apostolo Rom. 8. Quis ergo nos separabit à charitate Christi? tribulatio? in angustia? &c.

COLLOQ. Conformatia tertio humilitatis modo.
RECOLLECTIO.

ME.